



Broj: T18 0 KT 0016064 22

Brčko: 01.04.2022. godine

Na osnovu člana 35. stav 2. tačka i) i člana 226. stav 1. Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

BEGANOVIĆ ASMIRA rođen ... 1997. godine u Tuzli

Što je:

Dana 22.03.2022. godine oko 12,00 časova došao u zdravstvenu ambulantu u naseljeno mjesto Rijeke, Brčko distrikt BiH, iz razloga jer mu je isticalo prethodno odobreno mu bolovanje u trajanju od mjesec dana, pa nakon što je ušao u ljekarsku ordinaciju ordinirajuće doktorice u ambulanti A. K. koja mu je prema uvidu u liječnički karton i njegove nalaze objasnila koje su dalje procedure, te da ga zakonski sada mora uputiti na liječničku komisiju, A. je istog momenta počeo negodovati, rekavši da neće da ide na komisiju, a potom snažno objema rukama počeo lupati po radnom stolu ispred doktorice, što je odzvanjalo i u hodniku ambulate, bacio stolicu na kojoj je sjedio, da bi u tom momentu čuvši buku, u ordinaciju utrčala medicinska sestra A. I, od koje je doktorica tražila da pozove policiju, jer je A. i dalje galamio i psovao, a potom izašao na hodnik ambulate i na sav glas rekao „ma kakva policija, sada ću donijeti pištolj i sve ću vas pobiti“, te istrčao iz ambulate sa kartonom u rukama, a potom na par sekundi poslije u momentima dok je A. na telefon pozivala policiju, ponovo je utrčao u hodnik u kojem su se pored doktorice i sestre nalazila još dva člana medicinskog osoblja ženskog pola, stažistkinja S. i higijeničarka J., pri čemu je sa sportskim pištoljem marke „Ersoft Kolt M1911“, crne boje, serijskog broja E03171168900, koji prema svojim spoljnim karakteristikama i izgledu, a pogotovu za spoznavu od ženskih uplašenih lica, uz znatnoj mjeri izgleda /podsjeća na pravi pištolj- vatreno oružje, na kojem postoji dugme koje proizvodi zvuk vrlo sličan repetiranju, pa držeći takav pištolj u rukama, na manjoj udaljenosti od 30-tak centimetara cijev istog uperio u pravcu glave doktorice A., pri čemu se ponašao tako da je doktorica u sebi pomislila da će se pomiriti sa svojom smrću, ali je ipak uspjela da ga zamoli da se smiri što je istovremeno učinila i sestra A. dok je A. na to sve i dalje protestovao zbog bolovanja i mahao pištoljem na sve strane da bi u jednom momentu spustio pištolj iz visine i pobjegao iz ambulate, vjerovatno očekujući dolazak policije, koje cjelokupno postupanje je kod doktorice A. izazvalo prisutne psiho-fizičke posljedice, sestra A. je nakon što joj je pozlilo pala u nesvijest a doktorica na stažu S. nije prestajala da plače, nakon čega je policija krenula u potragu za A., ali ga nije mogla pronaći nigdje u gradu, da bi u međuvremenu dobili informaciju da bi mogao biti na području opštine Čelić, nakon čega je A. poslije dužeg izvjesnog vremena, sam sa svojim vozilom došao do stanice policije u Brčkom i prijavio se, a koji cjelokupni događaj je izazvao znatnu prepast i uznemirenost sve 4 prisutne uposlenice u ambulanti

dakle, ugrozio sigurnost više osoba ozbiljnom prijetnjom da će ih lišiti života i teško tjelesno ozlijediti, a to je istovremeno učinjeno i prema službenoj osobi u vezi sa vršenjem njene funkcije

čime je počinio, krivično djelo – Ugrožavanje sigurnosti – iz člana 180. stav 2. u vezi sa stavom 1. istog člana Krivičnog zakona Brčko distrikta BiH

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.